

যৎ দদাতি তদ্বদিতি ভাবঃ । এবমপ্যুক্তং, অকামঃ সর্বকামো বেত্যাদৌ তীব্রত্ব-
তক্তেঃ । তথোক্তং গারুড়ে,—যদুহুর্ভূতং যদপ্রাপাং মনসো যন্ন গোচরম্ তদপ্যপ্রার্থিতং
ধ্যাতো দদাতি মনুষ্মদন ইতি । এবং সনকাদীনাং ব্রহ্মজ্ঞানিনাং ভক্ত্যাহুত্যা
তৎপাদপন্নব প্রাপ্তিজ্যেয়া ॥ ৫ ॥ ১২ ॥ দেবাঃ পরম্পরম্ । ১৮ ॥

অতএব সেই সমস্ত সাধনের ভক্তিই জীবন বলিয়া সর্বত্রই ভক্তির
অভিধেয়ত্ব সিদ্ধ হইতেছে । কিন্তু সেই সমস্ত সাধন ব্যতীতও ভক্তি স্বয়ংই
পুরুষার্থবস্তুর দান করিতে সমর্থ, ইহা ইতিপূর্বেই ২।৩।১০ । অকাম অথবা
সর্বকাম ইত্যাদি শ্লোকোল্লেখপূর্বক দেখান হইয়াছে । শ্রীবিষ্ণুপুরাণে পুলহ
ঋষির বাক্য, যথা—যিনি যজ্ঞে যজ্ঞপুরুষ বলিয়া কথিত এবং যিনি যোগ-
সাধনায় পরমপুরুষ বলিয়া কথিত হইয়া থাকেন, সেই শ্রীজনার্দনকে সন্তুষ্ট
করিতে পারিলে কোন বস্তু অপ্রাপ্ত থাকে কি ? মোক্ষধর্ম্মেও লিখিত আছে
যে, চতুর্বর্গ-পুরুষার্থ লাভ করিতে হইলে যে সমস্ত সাধন-সম্পত্তির কথা
শাস্ত্রে কথিত হইয়াছে, মানবগণ শ্রীনারায়ণের আশ্রয়লাভ করিয়া সেই সমুদয়
সাধনব্যতীতও পুরুষার্থবস্তু লাভ করিতে সমর্থ হয় । অতএব, সর্বশাস্ত্র-
শ্রবণের ফলরূপে যে ভক্তির অভিধেয়ত্ব বলা হইয়াছে, তাহা সুন্দরই
হইয়াছে । এইজন্য শ্রীভগবান্ সৃষ্টির প্রারম্ভে ভক্তির প্রবর্তন করিয়া-
ছিলেন । যথা—১।১।১৪।৩ শ্লোকে শ্রীভগবান্ শ্রীউদ্ধবমহাশয়ের নিকট
বলিয়াছেন—“মহাপ্রলয়ের সময় কালক্রমে আমার আদেশরূপ বেদবাণী
জগতে তাদৃশ গ্রাহকের অভাবজন্য বিলুপ্তপ্রায় হইয়াছিল । পরে মহা-
প্রলয়াস্তে প্রথমেই আমি ব্রহ্মার নিকটে সেই বেদসংজ্ঞিতা বাণী উপদেশ
করিয়াছিলাম ; যন্মধ্যে মহাত্মক ধর্ম্ম বর্ণিত আছে । অর্থাৎ আমার যে
আদেশবাণীতে হ্লাদিনীশক্তির বৃত্তিরূপ ভক্তি নামে অভিহিত ধর্ম্মটির কথা
উল্লেখ করা হইয়াছিল । অতএব, যাহারা বিশেষ অভিজ্ঞ নহে, তাহারা
ধর্ম্মাদি লাভের জগৎ কর্ম্মাদি অমুষ্ঠানের অঙ্গরূপে শ্রীবিষ্ণুর পূজা করিয়া
থাকে । ইহাতে ভক্তিদেবীর অমর্যাদা করা হয় বলিয়া তিনি কেবলমাত্র
তাহাদিগের কামনানুরূপ ফলদান করেন, এবং সেই ফলও চিরস্থায়ী হয় না ।
কিন্তু যদি সেই অনভিজ্ঞ ব্যক্তিগণ তাহাদের অভিলষিত পুরুষার্থপ্রাপ্তির
জগৎ স্বতন্ত্রভাবে ভক্তির অমুষ্ঠান করিত, তবে অবশ্যই ভক্তিদেবী তাহা-
দিগকে অগ্ন্যাগ্ন সাধনের সেইসকল ফল প্রদান করিতেন । অধিকন্তু
কেবলমাত্র ইহা দান করিয়াই তিনি নিরস্ত হইতেন না, পরন্তু পর্যাবসানে
পরমফল যে প্রেম, তাহা পর্যন্ত দান করিতেন । অনন্তর পরম-হিতকারীত্ব-
রূপে ভক্তির অভিধেয়ত্ব বর্ণনা করিতেছেন । ৫।১২।৩৬ শ্লোকে দেবগণ